



**REPUBLIKA E SHQIPËRISË
-AUTORITETI I KONKURENCËS-
KOMISIONI I KONKURENCËS**

V E N D I M

nr. 398 , datë 9.02.2016

Mbi

“Autorizimin e përqendrimit të realizuar nëpërmjet përfthimit të kontrollit të shoqërisë SABMiller Plc. nga shoqëria Anheuser Busch InBev”

Komisioni i Konkurrencës me pjesëmarrjen e:

- Znj. Lindita Milo (Lati) Kryetar
- Znj. Servete Gruda Zv. Kryetar
- Z. Koço Broka Anëtar
- Znj. Iva Zajmi Anëtar
- Z. Eduard Ypi Anëtar;

Në mbledhjen e tij të datës 9.02.2016, shqyrtoi çështjen me :

Objekt: Autorizimin e përqendrimit të realizuar nëpërmjet përfthimit të kontrollit të shoqërisë SABMiller Plc. nga shoqëria Anheuser Busch InBev.

Baza ligjore: Ligji nr. 9121, datë 28.07.2003 “Për mbrojtjen e konkurrencës”, neni 24, shkronja d, nenet 2, 10-12, në veçanti Kreu III “Përqendrimet e ndërmarrjeve”, nenet 53-64, Rregullorja “Për zbatimin e procedurave të përqendrimit të ndërmarrjeve”, Udhëzimi “Për formën e njoftimit të përqendrimit” dhe Formulari i thjeshtuar “Për njoftimin e përqendrimit”.

Komisioni i Konkurrencës, pas shqyrtimit të raportit dhe relacionit të Sekretarit të Pergjithshëm mbi njoftimin e përqendrimit Anheuser Busch InBev / SABMiller Plc,

V Ë R E N S E:

1. Transaksioni dhe përqendrimi

Përqendrimi realizohet me anë të “Marrëveshjes së bashkëpunimit” të nënshkruar midis palëve Anheuser-Busch InBev dhe SABMiller Plc., më datë 11 Nëntor 2015, me objekt përfthimin në mënyrë indirektë të 100% të kapitalit aksionar të SABMiller nga ABInBev.

Qëllimi i këtij transaksioni është zgjerimi i aktivitetit të grupit të kombinuar ABInBev-SABMiller në tregjet në rritje në Afrikë dhe Azi.

Transaksioni i cili realizohet në formën e përfthimit të kontrollit indirekt mbi një ndërmarrje (SABMiller Plc.) sjell një ndryshim afatgjatë në cilësinë e kontrollit në këtë të fundit, në kuptim të nenit 10, pika 1, shkronja b) e Ligjit është përqendrim.

Perqendrimi i njoftuar permbush edhe kushtet e nenit 12 te Ligjit persa i perket xhirove (neni 12/1) ne tregun e brendshem dhe per kete arsye i eshte nenshtuar procedures se kontrollit nga Autoriteti i Konkurrences.

2. Palët në transaksion

🚩 **Anheuser-Busch InBev (ABI):** në cilësinë e blerësit është një shoqëri e themeluar dhe që funksionon në bazë të legjislacionit belg, me seli në adresën: Grand Palace, 1, 1000 Bruksel , Belgjike. Shoqëria është e listuar në bursën e Brukselit (Euronext Brussels Stock Exchange) dhe në bursën e New York-ut (New York Stock Exchange). Ajo është aktive në prodhimin, reklamimin dhe shpërndarjen e birrës (“birrës së lehtë”) dhe pijeve jo-alkoolike. Në disa shtete ajo gjithashtu shpërndan produkte të birrës të prodhuesve të tjerë.

🚩 **SABMiller Plc :** në cilësinë e ndërmarrjes target është një shoqëri e themeluar dhe që funksionon në bazë të legjislacionit anglez me seli në adresën :Church Street West , Woking, Surrey GU21, 6HS, Londër, Mbretëri e Bashkuar. SABMiller është e listuar në bursat e Londrës dhe Johannesburg. Ajo është aktive në prodhimin, tregtimin dhe shpërndarjen e birrës dhe pijeve jo-alkoolike përmes filialeve të saj si dhe bashkë me shoqëritë e saj të lidhura.

3. Xhiro për vitin 2014

➤ Xhiro totale në tregun ndërkombëtar është XXXXXXX Lekë:

○ Anheuser – Busch InBev (ABI) = XXX \$= XXXX Lekë

○ SABMiller plc = XXX \$ = XXXXX Lekë

➤ Xhiro totale në tregun e brendshëm është XXXXLekë:

○ Anheuser – Busch InBev (ABI) = XXXX \$= XXXXX Lekë;

○ SABMiller plc = XXXX \$ = XXXXX Lekë;

Perqendrimi i njoftuar permbush edhe kushtet e nenit 12 të Ligjit persa i perket xhirove (neni 12/1).

4. Tregu përkatës:

Tregu përkatës i produktit: Referuar Udhëzuesit “Për përcaktimin e tregut përkatës”, si dhe sa më sipër, treg përkatës në analizën e këtij përqendrimit është tregu i prodhimit, shitjes dhe shpërndarjes së birrës.

Tregu përkatës gjeografik: Për analizimin e këtij rasti *treg përkatës gjeografik* do të konsiderohet territori i Republikës së Shqipërisë.

5. Vlerësimi i konkurrencës pas përqendrimit

Duhet pasur parasysh se asnje prej ndërmarrjeve, pjese e ketij transaksioni nuk eshte prezente ne menyre te drejtperdrejte ne tregun e brendshem dhe pas perqendrimit nuk ndryshon struktura e tregut.

Pjesët e tregut respektive të ABI dhe SABMiller, për vitin 2014 janë përkatësisht XX% (shitje të realizuara nëpërmjet markës Corona) dhe XX% duke realizuar një pjesë të kombinuar tregu prej XX % e cila mbetet poshte kufirit 40 %, kufi i cili është pranuar si një ndër percaktuesit e pozitës dominuese në tregun perkates nga Autoriteti i Konkurrencës, ashtu dhe Komisioni Europian.

Krahasuar me konkurrentet e tjere në treg, pjesa e tregut e kombinuar e paleve në transaksion, vazhdon të jetë më e vogël se sa ajo e konkurrenteve kryesore të importit dhe prodhuesve vendas

Vetë tregu paraqitet si një treg i hapur dhe pa barriera në hyrje duke qënë se ai nuk paraqet kufizim për produktin e importit, por edhe për prodhimin lokal, fakt të cilin e dëshmon edhe futja e një aktori vendas të ri në treg gjatë 2015.

Sa më sipër, ky përqendrim nuk shfaq shenja të kufizimit të konkurrencës në treg ose në një pjesë të tij në veçanti, si rezultat i krijimit ose forcimit të pozitës dominuese.

PËR KËTO ARSYE

Në bazë të nenit 24, shkronja d, dhe nenit 56 pika 1, të Ligjit nr. 9121, datë 28.07.2003 “Për mbrojtjen e konkurrencës”:

VENDOSI:

1. Të autorizojë përqendrimin e realizuar nëpërmjet përfutimit të kontrollit të shoqërisë SABMiller Plc. nga shoqëria Anheuser Busch InBev.
2. Ngarkohet Sekretari i Përgjithshëm për njoftimin e palëve dhe dërgimin e vendimit pasi të bëhen pagesat që parashikon rregullorja “Për caktimin e shpenzimeve dhe ndjekjen e procedurave pranë Autoritetit të Konkurrencës”.

Ky vendim hyn në fuqi menjëherë.

KOMISIONI I KONKURENCËS

Servete GRUDA
()
Zv. Kryetar

Koço BROKA
()
Anëtar

Iva ZAJMI
()
Anëtar

Eduard YPI
()
Anëtar

Lindita MILO (LATI)

K R Y E T A R